



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De laude sanctorum angelorum in cælo. XXVII.

[urn:nbn:de:hbz:466:1-45790](#)

meis, pro omni labore & dolore, requiem & vitam eternam. Quid vis amplius? Prorsus nihil. Tu solus sufficis mihi Deus meus, qui das vitam eternam amatoribus & laudatoribus tuis, pro pars immensa, pro infimis summa, pro perituris eterna. Da reipsum Deo, & totum quod habes, da ei, quicquid agis, scis, & vales, & eris ditor & charior Deo quam fuisti. Dic cum sancto Paulo: *Tanquam nihil habentes pro proprio, & omnia possidentes in Deo.* Quasi viles & pauperes, ac tristes in hoc mundo; sed diuites ac hilares semper in Domino, certi de futuro premio in celo.

2. Cor. 6.

4. O Domine Deus, salutare vultus mei, & Deus meus; quando latificabis me in regno tuo, clarissimo vultu tuo? O quando illuminabis omnes tenebras meas splendore lucis eternae? Quando auferes omnia obstatula mea de medio cordis mei, pax veniet, beatitudo summa, & felicitas perfecta? O quando sine omnium pedimento contrariorum, sequar te securè & liberè, quocumque ieris Domine? O quando oculis meis clare te videbo sine speculo, sine enigmare, sine parabolis, sine figuris, sine questionibus, sine dubijs, sine opinionibus, sine interrogationibus a magistris? O quando omnia sciām, quę credo in Scripturis sanctis, & lego libris varijs, & audio auribus meis a lectoribus in multis locis de Deo meo, de angelis & omnibus angelorum choris, de gloria & beatitudine caelestis patriæ, de pace & ineffabili gaudio ciuium supernorum? O quando ibi ero? Quando veniam & apparebo in conspectu tuo, & contemplabor latam faciem tuam, & gloriam regni tui, cum Cherubim & Seraphim & omnibus sanctis? Sed nondum venit hora illa, clausa est adhuc ante me celi porta. Ideo gemo corde & ore, quamdiu hic fuero, donec veniam ad te Deus meus.

CAPVT XXVII.

De laude sanctorum angelorum in celo.

Psal. 137.

1. **I**N conspectu angelorum psallam tibi. O rex altissime, Deus sum me laudabilis, creator omnium rerum, angelorum & hominum; quamdiu morabor in terris, & elongabor a te, & ab omnibus sanctis angelis tuis in celis? Heu me pauperem & infelicem, quamdiu manducabo cum hominibus panem terrenum, panem laboris & doloris; & priuabor pane angelorum, continentem omnis saporis suavitatem?

Sep. 16.

Lp. 16.

2. O Domine, quando audiam vocem laudis tuæ, ex ore angelorum tuorum in celo; sicut beatus Ioannes Apostolus relegatus in exilium, audiuit vocem multorum angelorum psallentium in unum: Sanctus, Sanctus, Sanctus! O virginem esse unum cum ipsis,



& talern vocem haberem? Quām libenter vellem te laudare cum eis, & super omnia altissima cæli cantica cantare & magnificare nomen sanctum tuum in æternum? O Cherubim & Seraphim, quām dulciter, quām pulchriter, quām feruenter & excellenter cantatis & iubilatis coram Deo sine omni tædio, siue fatigatio-ne, sine cessatione in æterna felicitate.

3. Ideo omnis vox humana est mihi rauca; omnis cantus dis-fonius; omnis psalmus aridus; omnis musica grauis; omnis cithara, surda; omne organum, mutum; omnis lœtitia, grandis tristitia; omnis ludus, v'lulatus; omnis cibus & potus, insipidus; omnis caro, fœnum; omne vinum, fel & acetum; omne mel venenum; omne iucundum, asperum; omnis decor, fœtor; omnis ornatus, stercus; omnis honor & gloria, vanitas & famus; omne preciosum & no-bile, vile & deformis; immo omnia nulla, comparatione æternæ vitæ, æternæ gloriæ, æternæ lœtitiae, in conspectu Dei & Angelorum; qui altissimè collaudant sanctam & gloriosam Trinitatem, die ac nocte sine fine.

4. Sed quia ad ista sublimia oclorum cantica ascendere ne-queo, nec plenè ea comprehendere sufficio; ideo me ipsum plan-go, & valde despicio, & coram Deo & omnibus hominibus fle-cto genua mea, & humilior veniam peto. Nam opera mea vere nulla sunt, sine gratia & misericordia tua Domine; quam maxi-mè ostendis super omnem creaturam tuam, sine numero & mea-sura. O altitudo diuitiarum sapientiæ & scientiæ Dei, quām pro-funda sunt iudicia tua, & vera à seculo usque in finem seculorum, super bonos & malos, super gratos & ingratos, super pios & im-pios, ita ut nemo possit plene inuestigare opera tua, nec debeat iuste conqueri in aliquo facto improviso. Benedictus ergo sem-per Deus meus.

Rom. 5:2

CAPVT XXVIII.

Oratio deuoti amatoris & laudatoris Dei.

I. **D**rigatur Domine oratio mea, sicut incensum in conspectu tuo. *Psal. 140.*
Cupio Domine Deus meus cum omnibus sanctis tuis & creaturis, in omni loco & tempore, deuotè te laudare, benedicere & prædicare, & puro corde semper amare, & super omnia ope-ra tua, nomen sanctum tuum magnificare & exaltare in per-pe-tuum: quoniam tu es Deus meus, & ego pauper seruus tuus. Tu lux mea, & spes mea, Deus meus. Tu fortitudo mea, patiētia mea, Deus anima mea & gloria mea, Deus meus. Tu sapientia mea, & prudētia mea, Deus aman-tia. Tu pulchritudo mea, & dulcedo mea, Deus meus. Tu musica mea & cithara, organū meum & tympanū meū, Deus meus. Tu psalmus meus & hymnus meus, cantus meus & iubilus meus, Deus meus.

N n 2

Tu